



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ignatii Loiolae Vita

Maffei, Giovanni Pietro

Antverpiae, 1605

De caritate ipsius in Deum. Cap. III.

urn:nbn:de:hbz:466:1-11486

bū nescio quis, fratrem p̄fstanti religioni collaudans, ad Ignatium cum admiratione dixisset: En hominem iugiter precationi vacantem: immo verò, mutata voce, en, inquit Ignatius, hominem sibimet acriter imperantem. Alium quempiam, quod stomaticosior esset natura, & subinde in amara verba prouumperet, fese fratrum consuetudini alieno tempore subtrahentem, Ignatius blandè compellans: Quin te, inquit, statutis horis in fratribus consuetudinem das? cùm ille iracundiam naturæ bilemque p̄tenderet; Næ tu vehementer erras, ait Ignatius: etenim hæc & huiusmodi vitia non fugiendo, sed resistendo vincuntur. Denique licet piæ precationis laude p̄æcelleret ipse, ut dictum est, semper tamen spiritum, quem vocant mortificationis, spiritui speculationis anterulit; nam ut in eloquentiæ studio cùm & ars & vñs ipse sit necessarius, longè plus tamen à sapientibus viris vñi quām p̄æceptioni tribuitur; sic in parandis virtutibus cùm & commentatio & actio requirantur; multo plus tamen agendo & pugnando, quām speculando vel cogitando proficitur.

DE CARITATE IPSIVS IN DEVVM.

CAPUT III.

CARITATE in Deum fuit, quanta pars est eum esse, qui ipsius Dei gratia rebus humanis nuntium sponte remiserit; neque solum eatenus Dominum amabat, ut p̄ illo reliqua omnia nihil duceret, quæ virtutis huiusc p̄cipua est pars: verum inerat in amore voluptas mira: profus ut quantissime pressus curis, ac molestiis fatigatus, in vnius Dei recordatione, & quasi amplexu, per summam delectationem acquiesceret. CHRISTVM verò Dominum ac liberatorem videndi sicuti est, tanta flagrabat cupiditate, ut eam ipsam ob rem solui corporis vinculis vehementius in dies optaret. Itaque si quando grauiorem incidisset in morbum; cōcepta migrandi spe, abstrahebatur illico à sensibus, non sine magno valetudinis detrimento; quo circa mentem à cœlestibus rebus interim auocate etiam atque etiam iubebatur à medicis; & quoniam acerbissima Christi mors pro salute humani generis obita Ignatio semper obuersabatur, vicissim ille pro Christo per summos cruciatus quotidie cupiebat emori millies. Quoties verò ingestâ in illum conuicta & ludibria reputaret apud se, non modò rei atrocitate permonebatur ut multi, sed etiam accendebatur generoso quodam imitandi studio; atque in semetipsum quād tanti sceleris

auctorem



auctorem acerrimè exardestebat: ac nisi eum cohibuisset existimationis ratio propter salutem aliorum, simulata dementia, ad plebem in se concitandam, nudus onustusque cornibus, aut alio scđo corporis habitu, prodire non dubitaset in publicum, & incessantes cœno vel stercore pueros, vocesque improbas, & sputa, & omnes alias insanæ multitudinis contumelias libetissimè pertulisset. Sed quoniā eiusmodi nulla se dabat occasio, certè quod erat proximum sedulò faciebat, ut immortalia Domini beneficia in se memoria coleret sempiterna, & in eiusdem vel indaganda voluntate, vel gloria quærenda, suas omnes curas cogitationesque consumeret; cuius rei vel hoc fatis magno arguento sit: Interiplam negotiorum molem perditas meretriculas tanto studio conabatur ab impuritate auocare, vt si qua ex iis resipisceret, seque intra pudicitia sepra recipere vellet, grandis iam natu vir, & præpositus Generalis, antecedere ipsem, ac per ductoris quodammodo munere fungi, Christi causa non erubesceret. In qua cum admoneretur à quibusdam, frustra tempus ac laborem ihsumi, quippe insanibiles esse eiusmodi feminas, ac licet in præsentia pœnitentiam ostenderent, breui raimen ad ingeñium sediatur: Ego vero, inquit ille, cuiuslibet istarum, vnius dumtaxat noctis impedisse flagitia & iniurias in Deum, omnis operæ ac vigilantia pretium duxerim.

DE CARITATE IN PROXIMOS.

CAPVT IV.

EX hoc tam incenso in Deum amore, egregia nimirum illa caritas in homines redundabat, quos quoniam præioso e-iusdem sanguine redemptos, ac proinde carissimos illi sciebat esse, quidquid in Deum non poterat nullius egentem rei, omne id, ipsius gratia, in proximos conferebat. Ut primum è peccatorum cœno emerit, cōfestim ad cæteros ex eodem cœno extrahendos incubuit, atque ob id ipsum (vti supra dictum est) ingenti labore & incommodo litteris operam dedit, & in Societate instituenda nihil spectauit aliud, nisi vt errantes animos ad rectum salutis iter omni ratione reduceret. Barcinone, cùm in grammaticæ studio versaretur, eodemque tempore, animorum quoque salutem acerrimè procuraret, virginum quoddam collegium, cuius nomen consulò reticeo, soluta admodum disciplina corruptisque moribus, ad veterem sanctimoniam ac sobrietatem omni studio reuocare nitebatur, suadebatque illis præci-